

1. Աչքերս եմ բացել Քրիստոսի խաչի տակ
 Ու թափել արցունքներ մեղքերի թողության:
 Նայվածքդ լռին աչքերիս մեջ սուգվում,
 Ասում է՝ սիրելիս, զղջումդ եմ ուզում:

Ի՞նչ իմանայի, որ փնտրում ես ինձ
 Ու միացնում ես բաժան սրտերին,
 Հիմա փակ սրտիս փեղկերն եմ բացում
 Ու խաչիդ առջև սիրտս դատարկում:

2. Աշխարհում այս մեծ չգտա մի դուռ,
 Բարիք չհասավ այս կյանքում մի բուռ,
 Մարդիկ չեն կարող վշտերս ամոքել,
 Նրանցից հաճախ զրկանք եմ կրել:

3. Քո կյանքն ես կապել փշրված սրտիս հետ,
 Անպտուղ անցած օրերին իմ խենթ,
 Ահա մարում ես պարտքերն իմ բոլոր
 Քո սուրբ արյունով, անմեղ արյունով:

4. Հիմա չեմ կարող առանց Քեզ ապրել
 Ու Քեզնից հեռու ուրիշ սեր փնտրել,
 Դու ես սկիզբը և վերջը իմ կյանքի,
 Այս է լուծումը գալիք օրերի: